

台州外書卷三

郡人戚學標鶴泉輯

男寶寧長川校字

人物補傳二

宋李

由字民載仙居人紹興末進士知玉山廉介不受

請托民有所訟決斷明果終日坐廳事重門洞開上

下之情無不通者仕終奉議郎

見江西通志

吳

津字仲登仙居人康肅公芾子少從秘書郎王公

循游年十五以詞賦魁鄉校登乾道五年進士乙科

充浙東路安撫司幹辦改知處州麗水縣監行在都

進奏院為親求補外添差通判紹興樞密謝公在諫

台州外書

卷三

人物

垣舉以自代有治邑有聲立朝無玷之語朱文公提

舉時亦以文學淵源政事詳練薦丁憂服滿起知廣

德軍以足疾丐歸改興化軍慶元二年以疾卒於家

見樓鑰墓誌銘

劉允迪字進之黃岩人家新責承務郎贈朝議大夫祐

之次子淳熙二年進士歷定海桐城二縣丞允迪兄

允元不及仕兩弟允武允濟皆歷宦有聲時有三劉

之目

夏庭簡字迪卿黃岩人慶元五年進士初補定海尉改

長溪簿明習古今親仁敬士為林叔和趙幾道所重

調臨安府都監倉未久卒子肯父有時名

見葉水心集

謝采伯字元若臨海人丞相深甫子嘉泰二年進士歷知廣德軍湖州監六部門大理寺丞大理寺正雖世家貴介歟歷中外洊更麾節秉性謙冲喜考論經史留心著述當謝后用事時兄奕宗封郡王姪並節度使端平初頗干國政采伯爲后伯叔行獨遠嫌解組蕭然於榮利之外一無所預所撰密齋筆記五萬餘言王宗日原序謂士大夫晚節嗜好鮮有不迷其初者密齋惟以書籍貽後人使知其老不忘學可謂賢也已兩子長大卿守婺州次奕楸嘗官臨汝

台州外書

卷三

人物

二

葉應輔字子儀黃岩人嘉定間進士歷校書郎右司諫知明州終敷文閣待制應輔與諸葛希仁並臨海王公滋高第弟子後王子子勉又轉師之先居城中與進士楊似雲同巷楊善章草應輔工行書時人呼所居爲草行巷繼自靖化鄉徙鏡川

戴 壽字景明號東野黃岩人復古從孫嘉定中發解於州或曰嘉定十三年進士官贛州法曹叅軍又嘗爲池州某職其自編東野集皆寶祐時劾官秋浦作也壽人品清雅詩律純正具有石屏家法

顧周卿字成子號拙軒仙居人先世出梁高士歡父知

言字字先通黃帝內經歲大疫裏良劑巡戶療治全  
沿甚衆兩子長商卿次卽周卿登嘉定癸未進士初  
任慶元奉化簿注授監嘉興鮑郎監鹽場差遣官至  
朝奉郎奉國軍簽判顧氏歷世名德周卿兄弟皆有  
士君子之行子孫明初猶盛

趙潛夫字景壽號鶴所黃岩人早歲以經學著名累舉

不第嘉定十六年成進士授監嘉興澈浦鎮稅爲鎮

人所愛戴未幾卒附澈水思賢碑實慶二年秋黃岩

夏卒鎮人將仕郎趙與珣泣請曰吾不忍父老之巷  
哭也哭之哀不如傳之遠也鎮月解昔多貸諸賈今  
寧空其室人簪珥也估客悉畏重欲逸外江不可挽  
今恬熙輕平風帆雨楫輻集也訟有檄自臺府者屢

台州外書

卷三

人物

三

聽不服今片言笑折之威服其神也征權之地昔浮  
塵颺起眯日不能仰視今亭以絃風短墻疎箔花柳  
間植燕賓友也釋奠鄉飲習於梵宮進退揖遜雍雍  
濟濟又昔未聞而今見也非吾私其宗願子有述也  
余方駭慟重哀其不幸而何忍述雖然其何可辭缺  
職商稅且暮急也而君寬以裕之俗販魚鹽錘刀役  
也而君風教以厚之頑夫嚚婦鞭箠且厭也而君  
兒女以遇之持是爲郡爲縣爲國豈惟材稱哉余聞  
鎮旁浸巨湖君嘗輕裘大帶蹇驢踏月或夜泛扁舟  
水靜天碧却舩把酒可以識君之趣矣蓋君高標遠  
韻迥在物表嘗謂余善畫者莫我圖也舊嘗識於水  
心葉先生章泉趙公蕃交以詩經薦趙公汝諱尤敬  
之其蒞澈浦未數月也侍郎黃公宜以著述薦司馬  
公述以練達薦是將以有爲也而遽死宜有以寫鎮  
人之哀思也因系以長言使歲時歌以招君君其盍  
來乎君之來兮鶴自九臯駕以去兮渺天地而逍遙  
縞衣元裳兮橫大海之驚濤雲旂先驅兮霓旂旂旂  
月皎皎兮風洒洒青山之上兮黃灣之下挹北斗兮  
椒漿羽扇綸巾兮佩璆鏘盼而笑兮玉潔冰光鳴鸞  
鳳兮舞鼉鼉馮夷鼓兮宓妃歌魚咏龍吟兮蛟螭護

呵曉言歸兮南浦颿飛兮過舶艣春復秋兮終古七月望日建安葛紹體撰渭南高不華書

王會龍字君遇臨海人寶慶二年進士第一人嘉熙四

年以朝奉郎知泉州時鄉飲禮久廢會龍與典宗趙

師恕率僚屬偕寓公郡士毅然詣學行之在郡一切

政教皆準古法俗爲之變尋擢太府卿見開書

陳堅字與權黃岩人紹定四年太學釋褐授迪功郎

教授臨江軍改從政郎差充浙東提舉轉國子正經

著作郎與修紹興乾道會要轉朝散大夫除宗正寺

卿又除太府卿兼秘書監太子左諭德以寶章閣待

制致仕歷朝二十年小心供職始終如一謚文節子

台州外書 卷三 人物

宗

胡良字達之臨海人寶慶間進士經明行修在朝博

士著作教授王宮於時君有舊學之誼恩禮最隆終

知興化軍見元黃文獻集

張汝諧字俞仲臨海人淳祐初進士喜山水釣遊不樂

仕進所居遍植竹自號竹屋許斐贈詩有但有清風

至渾無俗客來之句臨海縣西象鼻岩有汝諧題壁

詩明陶尚書凱所刻也

毛鼎新字新甫黃岩人世家丹崖敏悟強記文好班馬

詩學陶韋醉墨淋漓生平以此爲樂登淳祐七年進

士第居官精密所至有名初尉西安有囚歸自郡獄折脇死以誣里正初捕時毆折鼎新計其距初捕已十六日實則出獄而監守者毆折之遂雪其冤有爭抗膊而易骨蒸驗者骨之大小長短同衆莫能決新用秤其所易骨較重一錢獄遂定嘗攝龍游有詎相害者詞至再三不受貪守無得以爲利繼授常平司從事其長欲獻羨餘四十萬力爭以置社倉惠民無錫縣有獻缺役田入和靖書院者又力爭役得不累其切切救民多類此咸淳丁卯自浙西幕府召入史館明年與禮部試有忌者旋罷去辛未再召入館又

爲忌者所阻未幾以疾卒鼎新文章吏治聲譽甚都自縣尉歷興國軍教授浙西提舉茶鹽司準遣改常平司準遣臨安府教授除史館檢閱主管華州西嶽廟再除史館校勘已駸駸向用而以忌者卒不得展其才士論惜之

詳黃氏日抄

陳 緯寧海人淳熙十年進士官右司郎官由太常丞出知吉州文丞相天祥其郡人書札往來所言皆軍國至計後遷福建司倉

見豫章書

戴覺民字希尹黃岩人家塘下景定三年進士授兩浙添差幹官轉國史檢閱浙西提舉除禮部郎中兼軍

器大監與賈師憲同鄉郡無所附和賈執政不得有  
所建白德祐元年四月以直秘閣權知平江府八月  
召赴行在將大用而國事已不可爲矣覺民精治史  
傳風雅動一時嘗於當塗刻李白集卷首載范正碑  
千五百字後之考白事者據焉

李洵孫字山甫號霽峯寧海人父演與葉丞相夢鼎俱  
受業於直龍圖閣鄭公霖以布衣終洵孫師太學博  
士舒公津年二十二以詞賦冠漕司寓試鄉先達右  
司郎官陳公緯宦遊恒引以自近登甲戌進士未授  
官而宋亡元仁宗延祐元年聘充江浙同考試官金

華黃潛其所拔士也遺文二十卷潛爲敘

(元)柯九思字敬仲號丹邱生仙居人提舉謙之子詩書畫  
號三絕遊金陵僧朴菴薦之梁王大親幸王卽位召  
爲奎章閣博士一切流傳書畫皆俾鑒定天歷間與  
虞揭齊名迭相唱和嘗上言建儲及招島夷可免窮  
兵當事者忌之退避居吳下至正癸未十月夜夢炳  
靈公招之徐克昭爲筮得履之乾其繇履虎尾不至  
人凶曰虎者公生肖尾者寅末運夫子無用於時不  
能啜人爲命所困殆將有憂乎如應則申亥之辰也  
果以辛亥夜暴得風疾越六日丁巳卒其書畫題跋

至今人甚寶之

劉仁本字德元號羽庭黃岩人由進士乙科試吏於閩歷江浙行省左司郎中至正十八年方國珍領節鉞以江浙行省平章行丞相事聞仁本名甚敬禮之時羣雄角立朝令不行仁本乃心元室勸國珍海運資京師朝命加樞密院副使在慶元凡興學建橋及修上虞石塘國珍諸善政皆用其言一時名士依以避亂者甚衆論者謂仁本於方氏猶羅隱之在吳越不忘唐室有足多者焉

鄭仁光字煒明黃岩新建人至正中以勇畧薦授武德

將軍偕行省郎中劉仁本督運由海道入都廷見擢處州路治中會絳巾山賊未平松陽諸處騷擾集義旅數千討平之爲處州守令所忌欲甜賊害之恐爲所陷飛檄謝病歸

鄭文寶字永思黃岩人先世自澤國徙羽山天長街曾祖世仁宋時官制幹佐呂文奐守襄陽畫大江形勢圖指示要害有防禦功文寶治春秋有文名以薦入史館授浙江行省郎中陞叅政弟文同字惠思福建行省郎中季弟文定字靜思嘗任京職繼奉使於鄞明初以故官謫鳳陽洪武七年放還

明黃 權字公衡臨海人明幹有才洪武八年朱右薦知

上高縣始至值早有言襄陂溉田甚博而艱於力權

力修之歲連獲學校壇壝稍有敝陋者無不修葺以

疾卒於官邑人建祠祀之所著有冰壺集江西志作黃拳郡

志作黃 觀並誤

李德遂字惟清臨海人洪武乙丑進士任惠安丞性質

純雅撫下有恩民之戴丞深於戴令卒於官貧甚喪

不能還卽葬其縣北石鏡山之南見惠安志 郡志作福安丞誤

何明遠字文儀黃岩泉溪人通春秋元末兩徵不起洪

武初召對試禦邊安民策授四明市舶提舉嫌身在

台州外書 卷三 人物

利藪引疾歸里居講學論道後進化之著有愚齋稿

子及以詩名

楊天顯字秉節天台人詩文典贍洪武中以儒士舉奉

詔題日本畫扇賜琉球使臣頃刻而就授燕府長史

嘗詣袁珙相珙言楊君色青身小語言清亮主以文

進其邊地有氣如雲行月出交夏四七日遠動得吉

已而果赴北為省都事弟秉為亦以薦授廣安令

知梁州

錢 性字士復臨海人永樂間由歲貢起家知廣信府

法制詳明禮樂興舉丙申值郡大水發公帑以賑全



活甚衆擢廣西叅政

見江西志

林 純字君粹黃岩人應雷之後侍郎鶚父也由永樂

鄉科授湖口訓導淬勵風節得士子心卒於官諸生

立祠祀之

見明一統志

林 莘字廷嘉黃岩人純之族永樂丁酉北闈第七人

會試乙榜賜冠帶在翰林修史授刑部主事正統間

以員外郎知南安府練達政務裁決如流刑無濫及

政暇從容詞翰比卒民哀思不已祀江西名宦

趙 敏寧海人永樂間歲貢知安福縣公廉有幹局定

民戶高下為科差量地遠近約賦稅察料物輕重受

台州外書

卷三 人物

九

納價耽闕者記名懲之慎法者假容待之民翕然悅

信既卒其子因家焉孫璜為禮部尚書

包原明本名朗臨海人永樂間舉人宣德元年任南安

教諭學問淵洽訓誨不倦時廟學頽圯有司政弗及

原明捐貲勸義修建一新秩滿陞吉安府教授

見南安志

謝 敷字惟學臨海人由舉人宣德中任邵武府學訓

導倡正心誠意之學立條教淑士類郡紳士重之轉

長汀教諭病卒侍郎吳璽及諸嘗從講學者留葬城

北為立碑子孫遂家邵武著有梅菴詩集

見邵武府志 郡志

教 作謝

鮑 相字廷贊黃岩人永樂癸卯鄉薦官翰林五經博

士才思清拔為大學士李賢所重賢嘗集廷臣彭時

劉定之以下數十人為玉堂賞花會人各賦詩相與

同縣謝昭並與焉已出為鹽運同知

見綠水亭雜議

昂字居賚黃岩泉溪人宣德四年舉人任海州學

正生平有學行在鄉若章主事陬徐僉事彬在越若

俞侍郎鐸章解元以占皆出其門下尊之曰自怡先

生

周一清字廉夫臨海人景泰五年進士天順間任慶遠

府知府為政嚴明人莫敢欺時猺賊甚熾募壯士籍

台州外書 卷三 人物

十

民兵協官軍捕之恩威兼至賊漸却當道聞其才檄

管慶遠衛事以征藤峽功陞秩正二品尋以憂歸

見慶遠府志

錢茂律字大呂臨海人宣德中舉人景泰初任同州志

趣高潔政清澤洽增學舍至百八十楹嘗勒居官箴

於石人謂不愧其言終臨洮知府

見陝西通志

李庸字崇恩黃岩人世家長山天順癸未貢太學授

湖南潛江丞修先聖廟增置學舍濱江多水災隄防

俱廢悉心經畫以次復三十六堤之舊近邑治者曰

花封堤施工尤巨庸力任之功卒成在任六載頌聲

載道侍郎黎淳稱其爲治吏畏民懷以勞卒於官大學士邱濬爲表墓

李 釗字勉之臨海人成化二年進士九年以監察御史巡按福建有聲建陽縣儒學舊在交溪之泮釗以界溪水屢漲議擇縣治之西棲隱寺故址改建海澄有記

冢 鈍字斯鈍太平人樂清籍以孝聞起家甲科官行人歷使遠藩至朝鮮世子親饋毫無所受凡再進再却且諭以詩有天使非關賄賂來之句進文選郎中乞休歸竹岡有全歸集

台州外書

卷三

人物

七

余 機字懋器臨海人成化十一年進士知崑山縣寬厚簡靜不尙苛察爲民任咎在崑山五年公過四十餘條率恒不給而遍境則頌聲四起久之擢監察御史去之日行李蕭然未幾卒

見江南通志

陳 綺字于章號得閒太平人宋提刑仁玉之後成化戊戌進士授中書舍人擢工部副郎奉命視通州濟寧河道時河決張秋遣內監李興平江伯陳銳副都御史劉大夏修治興察知綺才欲與山東叅政張縉並薦綺耻出與門力辭不得以誠告劉都憲得已天台麗給事泮自京寓書曰李內監薦章至深懼執事

在列今不在衆論臆之出爲四川松潘糧儲叅議松  
潘在萬山中番苗雜處號難治綺廉明有威遠近懾  
服倉中有五年之儲巡撫嘉禾鍾公薦其才可大任  
爲同事者所忌鍾去亦報罷旣歸蕭然一室惟以書  
史自適謝文肅公深敬禮之

沈立字卓然臨海人成化間由監生知松溪縣撫字

勤勞多善政調知閩縣去後士民思慕爲立碑見福建通志

志

于寶寧海人由監生成化六年知登封縣廉能果斷

吏民畏服見河南府名宦志

台州外書

卷三 人物

三

黃備字汝修太平人文毅公孔昭子成化辛丑進士  
授職方主事改武選癸卯被命往樂清營章侍郎綸  
葬事以疾在告且數歲改營繕丁文毅憂服闋補車  
駕遍歷四司能於其職會文選員缺時論謂文毅九  
年銓曹前後莫及必其子乃可遂奏改文選由員外  
歷郎中守職任法如其父以內艱去再起爲稽勲未  
幾仍任文選當路者不便其所爲致事歸以子縮貴  
贈尙書著有方麓集

應紀字茂修太平人志和子領成化庚子鄉薦試禮  
部乙榜授六合教諭律已清介諸生饋問一無所受

舉攝縣事半載平反冤獄有能聲頃之聘為福建同考官所取皆博雅士改黜縣清修如六合未幾致仕自號繼休居士家貧甚會袁通判文紀來掌縣事袁六合人素重之乃盡蠲其族人徭俾以徭直給居士辭不受族人以建宗祠按黃應二人事實嘉靖志各附其父傳下康熙志悉刪去郡志遂失載

徐寬字栗夫太平人由海寧籍登成化十七年進士授工部都水司主事博學有操存溫溫言動與坐終日不厭趙侍御儲秀學道人也每言栗夫於此事有工夫管臨清磚廠滿三年即告歸養親杜門著述卓

古州外書

卷三

人物

三

然可傳於後

見楊禮部循吉集

葉正字廷幹臨海人成化中貢任興寧訓導才美行高學政大舉士稱賢師又嘗有遷學之功三載卒於

官

見惠州府志

呂貴字良之臨海人宏治間由進士知宜黃縣為政務持大體釋小過會崇仁令分撥淮兌力言於巡撫林公俊得遵輕賫舊例民咸德之

見吉安府志

陳徵字崇恩黃岩人宏治十八年以舉人任南靖教諭愛人喜施飭學政課諸生陞榮府紀善去日諸生戀戀不能舍祀漳州名宦

趙崇賢字彥達號次山太平人宏治壬子舉人授汀州訓導善迪士類陞知六合縣正德四年知廣德州時議津貼建平軍需助養馬崇賢以馬政派自草以軍需出於田畝縣民食力而州民爲納稅非制也白憲停止州人德之去後建三惠祠與王邦瑞彭棟並祀繼遷道州亦有惠政已謝歸論者曰趙公其有後手位不滿德其後果大顯

見廣德州志及六合縣志

陳璋字宗獻太平人樂清籍宏治中進士授刑部主事以官不知律謂之曠職精求法意親爲注解歷員外郎中審錄八閩案件全活百餘人武宗南巡上疏

台州外書

卷三

人物

古

力諫廷杖幾死世宗嗣位陞大理卿釋寃囚十二人擢刑部侍郎有上官非法杖死下吏付法司鞠或欲貸之持不可忤執政意卽乞歸不復出

邵冲字尙霄太平人才幹明練以府掾入京從鎮朔大將軍太師保國公征伐叅帷幄密謀論功授鴻臚簿進階修職郎遷光祿署丞

潘祿字洪量號雲塘太平人邃於經學尤善毛氏詩葉郎中良佩初受詩說於符邵陽得其講授乃益精時溫嶺吳泰宗郭精易雲塘善詩兩家並爲專門經師後進宗之嘉靖二年貢授福寧州訓導陞莘縣教

論

符良佶字引之號他山黃岩人驗從子由舉人嘉靖中任惠安知縣值視海副使致倭二十九人於省至楓亭夜破械殺監者以去護解兵役詣縣請死良佶曰努力除罪勿怖也授方畧於典史張承吉令搜捕又計賊窮走且入海榜沿海居民謹備是日承吉挾兵往追賊果之峯尾良佶顧縣丞潘之禮佐之峯尾人先得縣榜皆甲以待賊緣海掠舟峯尾人逐之退居墩臺良佶出家兵督戰三面圍蹙生擒十二人餘馘以獻二十九人無一脫者詳張宇鳳岡存稿

台州外書

卷三

人物

五

林元倫字彞卿臨海人嘉靖間舉人通判延平府慎重通敏平尤溪盜有功析置大田縣之議自元倫發之

陞知滁州

見延平府志

鍾世符字階甫號篤庵太平人幼負高志從王陽明游築讀易樓以居父逸休卒母盧安人慮其過哀粉乾魚入粥中覺而大號遂不復食爲國子生抗章論逆瑾不報士論壯之湛甘泉王虎谷皆相器重時相與世講以世符不爲下大望遠授廣西潯州照磨未幾謝歸築養心窩詩酒自適鄭郎中善夫有鍾孝子傳林元棟號中岡太平人嘉靖間貢授漳州甌寧訓導以

學守稱歷湖州教授陞楚府紀善著有率士邇言六

不齋稿

見漳州府志

劉恩至號東掖臨海人嘉靖丁未武進士三十二年充把總王直亂海上舟據金塘之烈港都御史王忬授計於叅將俞大猷縱火燒其營直遁去時有依王直者攻松門勿克移舟至舟山岑港而直巢已破追殺之無遺直走據薩摩洲號召羣倭自稱徽王分遣賊蕭顯等屯崇明恩至與張四維鄧城等設伏長堡沈家門以待八月遇於普陀洛伽之臨江海洋與賊連戰勝賊舍舟登山大猷率鄧城火斌黎俊民等分道

台州外書

卷三

人物

六

躡賊恩至統兵若後輿四面俱進大勝仍環守之浹旬賊他救至始遁去恩至遇賊身先士卒罷戰則命酒賦詩有儒將風累官至參將

見定海縣志

王 轂字半江臨海人洙之子嘉靖丙午舉人隆慶五年知海澄縣用意真誠不事術數邑初建卽入都舊堡爲治土垣庳陋當道始議城轂承議派徵多方調劑均以合邑之丁糧充以八縣之郵羨畫作暮程巨細必親逾年城成民不知擾邑人號其城曰王公城特祠祀之

蔡迎恩臨海人尙書雲程子以父蔭官廣西太平府同



知陞知府事在官恂恂儒者喜講學屬邑崇善何令  
爲邑定規則迎恩爲序引程伯子述孔子之言於古  
今爲學人已得失之辨剖析深至其言切中時弊廣

西通志

陳 煥臨海人萬歷二十九年知懷集縣重學興文軫  
卹民困除耗羨修陂塘盡力民事凡饋膳所需必同  
民間給直時議運官鹽以懷民素不習舟楫力爲申  
免民建祠以祀見懷集縣志 志萬歷壬午科有陳  
其人否

王如春黃岩人天啟間進士知餘干縣洪水泛溢出俸

台州外書

卷三 人物

賑難民上請減徵改折復捐贖自龍津至壩口龍窟  
築堤數十里民稱爲王公堤見餘干志 志如春香  
任未詳

陳振琦字仲孺黃岩人與兄振琮同出沈守正無回之  
門問學與同時黃學知沈日升相埒領萬歷戊午鄉  
薦歷官雲南安寧知州明末兵難棄職以道梗不得  
歸平日有德於民州人留之日賦詩自遣每念天台

石梁輒墮淚沾襟云見雲南通志

王立準字伯繩臨海人由選貢崇正六年知平和縣初  
至計擒李芒白虎湯狩狼等寇以大歇嶺奸宄出沒

設五隘防守擊柝相聞剽掠之患以息民得安寢建  
王文成公守仁祠刻其全集民有惑於白蓮教者設  
法禁止并痛切曉諭尋陞連州知州士民以配祀文  
成見漳州府志

董汝昌字衡玉臨海人明末由貢生知龍岩州兼攝漳  
平會前令王卒儉人煽禍報復誣陷無辜株累無算  
汝昌處心寬平多所保全回龍岩日漳平人攀留號  
泣數十里以修城勤勞卒於官見福建通志

李廷樑號劍菴一號冰軒太平人先世在松門以武功  
顯廷樑順治初由明經辟授廣東普寧令己丑郝逆

台州外書

卷三

人物

六

作亂廷樑身冒矢石長子炎戰死焉城陷不屈次年  
王師復普寧出之於獄依栖山砦中以次經理調山西興  
縣改大同並有政聲歸家宦橐蕭然惟一妾及破書  
數篋而已

徐茂勛字君策號水心天台人爲諸生時見知於張太  
素先生順治初以歲貢授廣東會同知縣時邑新附  
人懷反側叛賊周奇進尤狡詐茂勛開誠信以書諭  
之奇進感泣詣降邑遂安歷任增城澄海皆有政績  
附論降周奇進書云不佞向在海北偶會前任許公  
盛稱明下胆畧過人雄姿出衆彼時雖未及識於門  
下已心重之下車以來始知嘉會地方與瓊山文昌  
界壤相連舊多盜賊出沒民不寧居前朝上臺訪知

門下堪托一方給送都守劄付而一都地方數年寧靜及不佞親臨安撫果見烟塘幾處民稠地墾甲於他郡信門下之功不可誣也至於貴標舊時各兵俱盡解甲歸農報名入保遵調夫役此又通縣士民共知咸謂門下為識時俊傑忽今五月間本縣並未見上司有一牌亦未聞總府發一兵突有土兵闕聚燒燬門下房室此事良出人意外後細訪之實非上司意也業據實申報去後料公論所在久亦自彰為門下計惟有安心靜聽自無他慮乃近日紛紛傳言門下倚山募兵擅拿良民弔鎖勒贖不佞初不信今三至投杼矣愚揣門下豈真不自愛為是驕虎之勢累及地耳不過以五月一變勾引同黨實繁有徒將為弄忽地耳不思復仇固然難忘法紀尤所當畏不佞忝一縣之主民間冤抑不難代明况人心有公憤豈置之罔聞曾在道府處為門下具由細陳昨往府時又經面悉蒙道臺即頒憲示張掛該都門下諒已洞然為今之計急宜靜自收斂與地方相安無事當差輸糧奉法惟謹不擅拿一人不私報一怨有不平之忿不妨遣役當堂赴告聽本縣施行如此則上司自有耳目豈能無故生禍端來不測哉計不出此而

徒聚烏合之眾逞螳臂之威帶刀跨馬履機槍以為禁竊為門下不取也將謂崇山峻嶺有險可恃遂以嘉會都敬重山阿作劍閣函關觀乎此真所謂坐井觀天徒取笑大方耳門下自少習武不解諸書姑不遠引古事又交遊稀少未嘗往來中士亦不遑與門下備陳本朝定鼎以來威德即就粵論李成棟李明忠始末諒在所稔聞矣一則臬示虔州一則傳首海北祇緣一念之差受禍至此門下將覆轍是蹈乎况所恃區區一二盟兵較二李十萬稱雄如九牛之一毛彼尚如此門下將奚為哉聖朝寬大容人求賢若渴凡先懷觀望負固不服者果革面而化率眾來歸莫不晉錫爵祿嘉與更新如杜部院張伯府張水師陳副將諸人投誠之後富貴依然有何纖毫疑忌此皆門下耳聞目睹者也今以門下雄才大畧遇此開誠布公網羅豪傑之世出而赴轅功名唾手可得不則復舊銜坐鎮一方尤甚易事不佞雖綿力當於上基前勉効一臂相與有成何苦以區區小怨冒此大不美之名豈不惜哉不佞忝有地方之責且素知門下為人慷慨質直有古俠士氣有大丈夫風故披肝瀝胆告以忠言惟門下詳審而熟思焉不佞

幸甚地  
方幸甚

陳大均字際忠寧海人拔貢生康熙五年由曲周知縣  
改河南安陽涖官一載留心課士以憂去見安陽縣志補以  
上六十七人並志有名無傳

台州外書

卷三 人物

三